

Broj: 01- 02/2-995/24 SK  
Sarajevo, 13.05.2024. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**VLADA FEDERACIJE BOSNE I HERCEGOVINE**  
n/r dr.sci. Edita Kalajdžić, sekretar

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno:		14-05-2024	
Org. jed.	Broj	Priloga	Vrijednost
02	-02-	721	124

**PREDMET:** Odgovor na inicijativu, **dostavlja se-**

**Veza:** Akt sekretara Vlade Federacije Bosne i Hercegovine, broj: 03-04-697/2024 od 03.04.2024. godine

Poštovani,

Aktom broj i datum veze, Federalnom ministarstvu rada i socijalne politike, između ostalih, dostavljena je Inicijativa koju je podnijela grupa delegatkinja i delegata u Domu naroda Parlamenta Federacije Bosne i Hercegovine, koja glasi: »da se trajno, efikasno i sistemski riješi pitanje zdravstvenog osiguranja i korištenja zdravstvenih usluga djece i mladih bez roditeljskog staranja, i drugih osoba koje su iz drugih razloga smještene u rezidencijalne ustanove i druge oblike alternativne brige u Federaciji Bosne i Hercegovine, a čiji su smještaji izvan kantona registrovanog prebivališta«. Shodno navedenom, u skladu sa nadležnostima Federalnog ministarstva rada i socijalne politike obavještavamo Vas kako slijedi:

Prema postojećem zakonodavnom rješenju zdravstveno osiguranje veže se za mjesto prebivališta osiguranika. Kada je u pitanju ostvarivanje prava na smještaj u ustanove socijalne zaštite u Federaciji Bosne i Hercegovine, kao i kada je u pitanju smještaj korisnika u hraniteljske porodice i druge oblike alternativne brige veliki problem, po pitanju ostvarivanja prava na zdravstvenu zaštitu smještenih korisnika, predstavlja činjenica što se korisnici smještaju u ustanove koje sjedište imaju izvan mjesta prebivališta osiguranog korisnika.

Prilikom izrade Zakona o ustanovama socijalne zaštite u Federaciji Bosne i Hercegovine („Službene novine Federacije BiH“, broj 64/22), a svjesni postojanja predmetnog problema, tražena su adekvatna rješenja za ovo pitanje. Članom 9. Zakona o ustanovama socijalne zaštite Federacije Bosne i Hercegovine propisano je da se zdravstvena zaštita, u smislu ovoga zakona, ostvaruje u skladu sa propisima o zdravstvenoj zaštiti i propisima o zdravstvenom osiguranju, te je propisano šta ista podrazumjeva u smislu navedenog propisa. Članom 9. stav (2) navedenog Zakona propisano je da su federalne ustanove socijalne zaštite dužne svojim korisnicima omogućiti i organizovati pristup primarnoj zdravstvenoj zaštiti, i to putem ugovaranja sa nadležnim domom zdravlja, odnosno privatnim zdravstvenim radnikom i nadležnim zavodom zdravstvenog osiguranja. Članom 9. stav (3) za korisnike federalnih ustanova socijalne zaštite čije prebivalište nije u mjestu sjedišta ovih ustanova, primarna zdravstvena zaštita se organizuje u skladu sa pojedinačnim ugovorima doma zdravlja koji se nalaze u mjestu sjedišta federalne ustanove socijalne zaštite i

nadležnih zavoda zdravstvenog osiguranja kantona. Članom 9. stav (4) federalne ustanove socijalne zaštite dužne su svojim korisnicima organizovati sekundarnu i tercijarnu zdravstvenu zaštitu, i to putem ugovaranja s nadležnim zavodom zdravstvenog osiguranja za specijalističke usluge u zdravstvenim ustanovama. Ugovaranja iz st. (3) i (4) ovog člana federalne ustanove socijalne zaštite provode u skladu s propisima o zdravstvenom osiguranju i propisima o javnim nabavkama.

Prema dostavljenim informacijama od strane federalnih ustanova, i pored preduzetih aktivnosti od strane ustanova, nije postojala zainteresovanost zdravstvenih ustanova za provedbu citiranih odredbi Zakona o ustanovama socijalne zaštite Federacije Bosne i Hercegovine, te su stoga ustanove tražile da se o predmetnom problemu informiše nadležno ministarstvo i Vlada Federacije BiH. Dakle, korisnici federalnih ustanova, iako imaju status osiguranika, ne mogu osvariti pravo na zdravstvenu zaštitu, te je od Federalnog ministarstva zdravstva zatraženo da prema važećim propisima dostave Federalnom ministarstvu rada i socijalne politike svoje mišljenje u cilju realizovanja odredbi člana 9. Zakona o ustanovama socijalne zaštite Federacije Bosne i Hercegovine.

Također, članom 87. Zakona o ustanovama socijalne zaštite u Federaciji Bosne i Hercegovine propisano je da će Federalno ministarstvo zdravstva u roku od godinu dana od dana stupanja na snagu ovoga Zakona sačiniti i u parlamentarnu proceduru uputiti poseban propis kojim će se urediti pitanje ostvarivanja prava na zdravstvenu zaštitu i zdravstveno osiguranje osoba koje se nalaze na smještaju u ustanovama socijalne zaštite izvan kantona u kojima te osobe imaju prebivalište. Propisom iz stava (1) ovoga člana uredit će se i pitanje primjene i nabavke lijekova u ustanovama socijalne zaštite koje pružaju uslugu zdravstvene njege. Odredbe iz čl. 9. i 22. Zakona o ustanovama socijalne zaštite u Federaciji Bosne i Hercegovine primjenjivat će se do donošenja posebnog propisa iz člana 87. st. (1) i (2).

Dakle, prema informacijama sa kojima raspolaže Federalno ministarstvo rada i socijalne politike, pitanje ostvarivanja zdravstvene zaštite korisnika usluga smještaja u ustanovama socijalne zaštite u Federaciji Bosne i Hercegovine, kao i korisnika hraniteljstva i drugih oblika alternativne brige, a koji su smješteni izvan kantona registrovanog prebivališta, predstavlja veliki problem u Federaciji Bosne i Hercegovine. Stoga ovo Ministarstvo podržava predmetnu inicijativu i mišljenja je da treba razmotriti donošenje izmjena i dopuna Zakona o zdravstvenom osiguranju kojima bi se riješio ovaj problem odnosno osigurala zdravstvena zaštita za korisnike prava iz oblasti socijalne zaštite prema mjestu gdje je smješten.

S poštovanjem,



**Dostavljeno:**

- naslovu
- gosp. Izmir Hadžić, sekretar u Domu naroda Parlamenta Federacije BiH  
(Vaš akt br: 02-02-721/23 od 28.03.2024. godine)
- a/a